

**Broj: 09-14-2490-12/16**

**Datum: 27.07.2016. godine**

Na temelju člana 69. stav (1) tačka b. i stav 2. tačka e), člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14) na Preporuku Stalne komisije za javnu nabavku broj: 09-14-2490-11/16 od 25.07.2016. godine, u postupku javne nabavke – Nabavka i ugradnja specijaliziranog klima uređaja za server salu, Federalna ministrica financija – Federalna ministrica finansija donosi

**ODLUKU  
O PONIŠTENJU POSTUPKA JAVNE NABAVKE  
NABAVKA I UGRADNJA SPECIJALZIRANOG KLIMA UREĐAJA ZA SERVER SALU**

**Član 1.**

**Poništava se** postupak javne nabavke: Nabavka i ugradnja specijaliziranog klima uređaja za server salu temeljem člana 69. stava 2. tačke e) iz razloga što je cijena razmatrane ponude znatno veća od procjenjene vrijednosti i osiguranih sredstava za predmetnu nabavku.

**Član 2.**

Za izvršenje ove odluke zadužuje se i ovlašćuje Sektor za ekonomsko – finansijske i zajedničke poslove Federalnog ministarstva financija – finansija.

**Član 3.**

Ova odluka objavit će se na web-stranici [www.fmf.gov.ba](http://www.fmf.gov.ba), istovremeno s upućivanjem ponuđačima koji su učestvovali u postupku javne nabavke, u skladu s članom 70. stav (6) Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu s članom 71. stav (2) Zakona o javnim nabavkama.

**MINISTRICA**  
  
**Jelka Milićević**



## Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-14-6-2490/16 od 07.04.2016. godine. Javna nabavka je provedena otvorenim postupkom. Procijenjena vrijednost javne nabavke bez PDV-a je 70.000,00 KM. Obavijest o nabavci broj: 810-1-1-55-3-7/16 objavljena je na Portalu javnih nabavki dana 28.06.2016. godine, sažetak Obavještenja o nabavci objavljen je u „Sl. glasniku BiH“, broj: 49 od 01.07.2016. godine (SI-8582-16).

Stalna komisija za javnu nabavku imenovana je Rješenjem broj: 03-05-1-1915/16 od 18.03.2016. godine.

Stalna komisija za javnu nabavku dostavila je dana 26.07.2016. godine izvještaj o radu broj: 09-14-2490-10/16 od 25.07.2016. godine, Zapisnik o ocjeni ponude broj: 09-14-2490-9/16 od 25.07.2016. godine i Preporuku o poništenju postupka javne nabavke broj: 09-14-2490-11/16 od 25.07.2016. godine - Nabavka i ugradnja specijaliziranog klima uređaja za server salu.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (slovima: dvije).
- da je blagovremeno zaprimljeno 2 (slovima: dvije) ponuda.
- da je neblagovremeno zaprimljeno 0 (nula) ponuda.
- da je ponuda ponuđača „E+E-E-ENERGY“ d.o.o. Sarajevo odbijena/ neprihvatljiva iz razloga:
  - što ponuđač u ponudi nije dostavio Aneks II – Obrazac za ponudu kako je traženo tačkom 12. TD-a sukladno članu 68. stav (4), tačka i.) ZJN (ponuda nije potpuna i ne ispunjava zahtjeve iz tenderske dokumentacije) i čl. 9. (Sadržaj ponude) stav 2. i 4. Upustva za pripremu TD i ponuda za JN.
- da je razmatrana ponuda ponuđača „SES“ d.o.o. Sarajevo u pogledu cijene ponude za ugovor znatno veća od planiranih i osiguranih sredstava za predmetnu nabavku odnosno u iznosu od 129.592,22 KM bez PDV-a.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, sukladno kriterijima iz Tenderske dokumentacije.

U postupku ocjene provedenog postupka, rukovoditelj ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je preporuka o poništenju predmetnog postupka javne nabavke data sukladno Zakonu o javnim nabavkama, podzakonskim aktima, internim aktima i tenderskom dokumentacijom.

Naime, u postupku predmetne javne nabavke nesumnjivo je utvrđeno da je razmatrana **ponuda ponuđača „SES“ d.o.o. Sarajevo u pogledu cijene ponude za**

**ugovor znatno veća od planiranih i osiguranih sredstava za predmetnu nabavku,** čime su se stekli uvjeti za poništenje postupka javne nabavke.

Iz navedenih razloga, primjenom člana stav 1. tačka b) i stav 2. tačka e) Zakona o javnim nabavkama Bosne i Hercegovine, odlučeno je kao u članu 1. ove Odluke .

**POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke, u skladu s članom 99. i članom 101. Zakona o javnim nabavkama.